



UAK 2020/198

13/10-2020

Rachel Ingemann

Uunga siunnersuut: Inatsisartunut qinersisarneq pillugu Inatsisartut inatsisaat nr. xx, xx. xxx 2020-imeersoq.

(Naalakkersuisut Siulittaasuat)

(Siullermeerneqarnera)

Demokraatit Naalakkersuisut qutsavigaat siunnersuut saqqummiuummassuk, annerpaartaatigut isumaqatiginartitatsinnut.

Siullertut partiiuvugut ullutsinnut tulluarsartuusut, teknikkikkut atortorissaarutit siuariartornerannut tapersersuisut. Taamaattumik ilalerparput, Naalakkersuisut siunnersuutigimmassuk, allakkatigut qinersinerup digitalikkut periarfissaalernissaa.

Kisiannili uparuartariaqarlugu, taamaaliorneq unamminartoqarsinnaammatt. Qulakteertariaqarpapput, taasinerit isertortuunissaat aammalu qinersinermi peqquserluttoqannginnissaa.

Taamaattumik Naalakkersuisut aperiniarpakka, qanoq qulakteerneqarniarnersoq, soorlu assersuutigalugu nunat allat pissaanilissuit taasinermut akulerusinnaanerannut? Eqqaamassavarput, internetsimi pinerlunniat allallu qarasaasiaannut pulasartut (hacker) pikkorissigaluttuinnarmata.

Taamatut oqareerluta, isumaqarpugut, taasinerit digitaliusut immaqa kingunerisinnaagaat, Inatsisartunut qinersinermi amerlanerusut qinersalernissaannik kinguneqarsinnaammatt.

Pisariinnerulernera, ajornannginnerulerluni aammalu piffissartornannginnerulluni ullup qinersiffiusup nalinginnaasup siornagut taasisinnaaneq.

Taakkulu saniatigut Inatsisartunut qinersisinnaaneq, Qinnersinermut valgnævnip inuttalersorneqarnera, qinersinermi ataatsimiitaliap inuttalersorneqarnera Inatsisartunullu qinersinermut partiit qinigassanngortitaqarsinnaanerat, siunnersuutigineqartunut suliniutit iluarisimaarpagut taperserlugillu.

Taamatut oqaaseqarluta siunnersuutip Inatsisiniut ataatsimiitaliamut suliassanngorlugu ingerlateqqipparput.